



# He Tauira mō te Tara o Te Ika a Māui

*He Anga mā tātou mō ngā rā e heke mai nei*

---

## He whakarāpopototanga

---

Ko ngā tapuwae o onamata he tirohanga ake mō apōpō  
*The footprints of the past – an eye for the future*

# He aha ngā kai o roto i tēnei tuhinga

Ngā puke ki Hauraki ka tārehua, E mihi ana ki te whenua  
E tangi ana ki te tangata, Ko Moehau kei waho, Ko te Aroha kei roto  
Ko Tikapa te moana, Ko Hauraki te whenua, Ko Marutūahu te tangata,  
Ti Hei Mauri Ora!

*The ranges of Hauraki are shrouded in mist. We acknowledge the  
land and people, To the shore stands Moehau, inland stands Te Aroha,  
Tikapa is the sea, Hauraki the land, the ancestor is Marutuahu  
It is life!*

- Whārangī **1 Te tauira mō te Tara o Te Ika a Māui - Te Tārai i 'Ngā Rā kei mua i a Tātou'**  
He aha i tika ai kia noho ko te whakatakoto tikanga mō ngā rā kei mua hei mea nui?  
Me pēhea tātou e tae atu ai ki reira?
- Whārangī **2 Te hanga i te tauira mō te Tara o Te Ika a Māui**  
He pēhea te tauira i tuhia ai?
- Whārangī **4 Tō Tātou Rohe - tōna whakaahua me ngā ia o te wā**  
He pēhea te hanga o te Tara o Te Ika a Māui?
- Whārangī **5 Ngā take matua mō ngā rā kei mua i te aroaro**  
He aha ētahi o ngā take matua e pā ana ki Te Tara o Te Ika a Māui mō ngā tau 20 ki te 50 kei mua i te aroaro,  
e wānangatia nei?
- Whārangī **6 Ngā Kaupapa Taketake**  
He aha ngā kaupapa e kore e tukuna e tātou kia ngaro?
- Whārangī **7 Ngā Moemoeā a te Hāpori**  
He aha ngā kaupapa nunui nā koutou i whakaatu mai, mō te Tara o Te Ika a Māui ā ngā rā kei te heke mai?
- Whārangī **8 'Te ao e hiahia ana – ā koutou whakahoki kōrero mō 'Possible Futures'**  
He aha ngā mea e mōhio ana tātou, mai i ngā mahi rangahau me ō koutou whakaaro?
- Whārangī **9 Te matakitenga me ngā putanga o Te Tauira**  
Kia pēhea te āhua o te Tara o Ika a Māui ā te tau 2050?
- Whārangī **11 Te tauira mō te Tara o Te Ika a Māui**  
He aha te tikanga o ngā hua mō te wā roa ki te iwi taketake?
- Whārangī **20 Me pēhea tātou e tae atu ai ki reira**  
Te whakatinanatanga i te rautaki o te Tauira - he aha ngā mea  
e hiahia ana tātou kia kawea e ngā hoa kia pai ai te whakatutuki  
i ngā hiahia mō Te Tara o Te Ika a Māui?
- Whārangī **20 Te āta arotake - he aratohu mō te aroturuki me te arotake**  
Me pēhea mātou e mōhio ai kei runga mātou i te ara tika?
- Whārangī **21 Mō ētahi atu kōrero**

Cathedral Cove – Photo courtesy of Tourism Coromandel

Mana-whenua, mana-moana tō mana, tō tohu i mahue atu koe  
*The mana of the ocean and land – your legacy*

# Te Taurira mō Te Tara o Te Ika a Māui – Te Tārai i 'Ngā Rā kei mua i a Tātou'

## Pohewatia.

Kua tae tatou ki te tau 2050. Ko te takiwā ko Te Tara o Te Ika a Māui.

I roto i te hia tau, kāore i mutu tā koutou tangi mai, otirā te tangi a ō tātou hapori o te rohe, mō te pānga o ngā āhuatanga hōu, me ngā mahi hōu, ki te Tara o Te Ika a Māui – otirā ko te takutai moana me ngā kainga kanohi o te rohe ngā mea i tino whara.

Kei te mōhio tonu mātou he maha ngā tikanga kei te haere i te taumata ā-hapori, ā-rohe, takiwā, ā-motu hoki, engari he rerekā te taurira mō Te Tara o Te Ika a Māui. Kei tēnei taurira ka huia katoatia ēnei tikanga me ngā whakaaro o ō tātou hapori (ā koutou whakaaro) kia tū he mahi whakamahere ōrite, kia tika hoki ngā whakatau mō ngā rā kei mua.

Kua oti tētahi Rōpū Whakaterere Kaupapa Tōrangapū (PSG) te whakatū, me ōna kanohi mai i te Kaunihera ā-Rohe o Thames-Coromandel (TCDC), Environment Waikato (EW), Te Papa Atawhai (DoC) me Hauraki Whānui, ā, ko rātou te hunga kawea i te Taurira, ko rātou ki te pūpū i ēnei mahere katoa, me ngā mōhiotanga huhua kua oti te kohi mai mō tō tātou iwi, mo ō tātou wai, mō te whenua me te ōhanga. E mōhio ana tātou tērā tonu e huri te ao – engari e kore tātou e mōhio e huri pēhea ana. E ai ki ngā matapae mō te tupunga o te rohe, ka piki te hiahia o te tangata ki ngā kāinga noho i te Tara o Te Ika a Māui mā te 15,000 kāinga pea, hei te taenga ki te tau 2041. Mā tēnei tupunga, mā te kaingākau hoki o te tāpoi ki Te Tara o Te Ika a Māui hei wāhi hāereere mō rātou, e tino piki ai ngā pikauranga mā ngā ratonga me ngā rawa whakahaere o te rohe.

I raro i tēnei Taurira, ka noho ko te tino kaupapa he whai kia eke te Tara o Te Ika a Māui ki tōna tino teiteitanga i runga anō i ō tātou hiahia, kia kaua e waiho noa e tātou kia hāngengangenga te haere. I raro i tēnei kaupapa ka tūtohutia te ara hei whai, engari mehemea he tika kia kawea kētia te ihu o te waka, me hoki tonu tātou ki te tiroiro kei te ū tonu ā tātou mahi ki te aronga hou.

I uia atu koutou e mātou ki o koutou whakaaro mō ngā āhuatanga o Te Tara o Te Ika a Māui, ki te whenua, ki te wai me te moana o Tangaroa. I haria atu ō koutou whakaaro, ā, hei takapau ēnā whakaaro mō te Taurira mō Te Tara o Te Ika a Māui – 'Ngā Rā kei Mua i a Tātou.'

I roto i te hātepe hanga i te Taurira he nui ngā mahi i oti i a tātou mō ngā uara wairua o te tangata whenua me ngā waiaro ki Te Taiao. I whiria e mātou te titiro a te iwi Māori ki te noho whanaunga o ngā mea katoa o te ao, ā, ēnei katoa i takea mai i te hanganga o te ao, ki tā te Māori whakamārama, o te rangi me te whenua, o te ahurea tangata, me ngā taonga katoa o te taiao. Ka whakahaeretia anō ēnei rawa i runga anō i tēnei whakamārama torowhānui o te taiao, arā, te rangi me te whenua.

### E pā ana tēnei Taurira ki:

- Te whakawhāiti i ngā mahi hōu me te whakaarotahi i ngā ratonga me ngā rawa whakahaere o ngā rā kei mua, ki roto i ētahi pūtahi ā-tāone matua e toru
- Te whakapakari haere tonu i ngā ratonga me te tiaki i te wairua o ngā tāone iti me ngā kāinga i te tuawhenua
- Te whakapakari i te whakahaere tōpū o ngā tini āhuatanga e pā ana ki ngā waiumu
- Kia pakari kē atu te whakahaere i ngā kotikotinga whenua i te takutai/i te tuawhenua
- Te tiaki me te whakapūmau i te mauri ora me ngā āhuatanga o te kainga kanohi
- Te whakapakari i ngā mahi ōhanga tāpiri me kore e hua ake he whāinga wahi ki te mahi i roto i te rohe
- Te āta tia haere i ngā mahi hōu, aha atu, me te kaupare atu i ngā mahi hou i ngā wāhi e mōhiotia ana he mōreatanga i reira

Ka riro mā te Taurira o te Tara o Te Ika a Māui e tūtohu tētahi ara tino mārama mā ngā hoa nāna ia i hanga, hei whakamahi mā tātou i ā tātou whiriwhiringa. Kāore e mutu mai ki konei, arā atu hoki ngā mahi e pā ana ki te:

- Āata tātari i ngā huarahi e pai ai tā tātou whakarite tikanga mō ō tātou waiumu takitahi me ō tātou kāinga, kia hāngai tonu ki tā tātou i matakite ai
- Te huri me te karapinepine i ā tātou taputapu ā-ture whakahaere rawa taiao me kore e kitea he huarahi tōtika, he huarahi ka whakaponu nuitia e te tangata
- Te whakahāngai i ā tātou hōtaka mahi me ā tātou ratonga kia hāngai ki tēnei matakite.

Mā te whakamahi i te Taurira nei ka āhei tātou ki te whiriwhiri tikanga papai mō te whakamahi me te whakahaere i te whenua, i te wai me ngā rohe moana i ngā takiwā o te rohe, i roto i ā tātou mahi kawea matakite mō te rohe whānui.

# Te Hanga i te Tauira mō Te Tara o Te Ika a Māui


I takea mai te kaupapa o te Tauira o te Tara o te Ika a Māui i te mōhio, nā runga i te whakamahi kino a te tini o te tangata i ngā wai, i ngā whenua, i te takutai me ngā rohe moana o te Rohe, he tika kia āta tiakina, kia tika hoki te whakahaere. I āta mahi tahi te Rōpū Whakaterere Kaupapa Tōrangapū (PSG) ki te hanga i tēnei anga rautaki, hei huarahi whakarite tikanga mō ngā whakamahinga whenua, me ngā tāone hōu e tupu haere nei i te taha, i ō tātou whenua, i ō tātou wai me tō tātou takutai.

I whakatupuria te Tauira o Te Tara a Te Ika a Māui i runga i ngā tikanga e kitea atu nei i te hoahoa i raro iho nei. Mā te whakamana i te Tauira o Te Tara o Te Ika a Māui e whakawātea te huarahi kia hangaia he tauira ā-takiwā, arā, he Tauira whāiti, e āhei ai te tangata ki te 'whakatopa' ki runga i ngā mahere mō ngā kāinga i tēnā takiwā, i tēnā takiwā, tae atu ki ngā whenua, moana hoki i te taha.

I a ia ka hanga i te Tauira mō Te Tara o Te Ika a Māui, i huri te PSG ki te whiriwhiri i te huinga me te whakatairitenga o ngā whāinga ā-ture, o ngā putanga ā-hapori, me ngā moemoeā a ngā hapori me ngā iwi, tae atu ki ngā whakahokinga kōrero i hoki mai i ngā hātepe kōrerorero **'Possible Futures'** me ngā **'Preferred Future'**, me te horopaki ā-ture o te Ture mō te Kāwanatanga ā-Rohe 2002 e pā ana ki ngā mahi hōu, e ora tonu ai te mauri.

Me kī he pukapuka 'ora tonu' te Tauira mō Te Tara o Te Ika a Māui, tae atu ki ōna aratohu ka whakaritea ā tōna wā, hei whakawātea huarahi whakahoki kōrero, hei kaupapa mō tētahi hātepe aroturuki, arotake, e mōhio pū ai tātou ko ngā whakarerekētanga katoa e mōtinitia ana, ka kawea i runga anō i te whakaaetanga a te TCDC, te EW, Te Papa Atawhai me Hauraki Whānui.

# Te Hātepe Hanga Taurira



# Tō tātou Rohe – tōna whakaahua me ngā ia o te wā

## Te Tara o Te Ika a Māui:

- I te tau 2006 e 25,941 ōna tāngata, e 3560 he Māori
- E 22,704 ōna whare, ā, kotahi haurua o aua whare e nohoia ana e te tangata i ngā marama katoa.
- He pātata ki ngā tāone nunui pēnei i Tāmaki-makau-rau, i Kirikiriroa me Tauranga
- He tino taiao ātaahua, he whakamīharo ōna kainga kanohi, he moana kai, he whenua matomato.
- He tino ātaahua te kainga kanohi o te tuawhenua, e kakapa ai te manawa o te tangata i te ātaahua, he rawe te kauhoe, te retireti ngaru me te hī ika.
- He wāhi tēnei ka reia e te tini me te mano hei kāinga hararei, e pupuke ai tōna taupori, kia rima whakareanga ake i te raumati, i tō te nuinga o ngā marama o te tau.
- Kāore i ārikarika te mahi whakatū whare i roto i ngā tau 15 ka hipa ake nei
- I roto i ngā tau he tino pakari te ōhanga, ko te pūtake ko ngā mahi ahuwahenua
- I konei tētahi iwi kāinga e ngākaunui ana ki te tiaki i te 'wairua' o Te Tara o Te Ika a Māui
- Kei roto i a ia ko ngā hapori me ngā kāinga matahuhua, ā, he rerekē ngā whakaaro o tēnā o tēnā
- 11 ōna iwi, ā he maha hoki ngā hapū/whānau ka whakapapa ki te whenua  
He rawa ahurea, he rawa tuku iho ahurei ōna
- Kei te piki haere te tokomaha o ngā kaumatua me te takitahi haere o ngā tamariki.
- He teitei tonu te ōrau o ngā whenua e whakahaeretia ana e te Karauna, tērā pea ka taka aua whenua ki raro i ngā whakataunga Tiriti ā tōna wā
- Kei konei te rohe whakatupu kaimoana rahi rawa o ēnei rā, huri noa i Tikapa Moana

Te taiopenga kai, inu waina o Tairua

# Ngā take matua mō ngā rā kei mua i te aroaro

Arā anō ngā wero kei mua i ō tātou hapori ā ngā rā e tū mai nei. Kua oti kē ētahi te waitohu i roto i te Taurira nei, tae atu ki:

## Ngā Kainga Kanohi, Ngā Whenua Takoto noa, me te Mauri Ora

- Tērā te tini o ngā kainga kanohi mutunga mai o te ātaahua, me ngā takutai e tika ana kia tiakina i tō tātou rohe, ā, i tēnei wā ka taea ēnei te whakawātea hei mahi hou.
- Tērā anō ētahi atu whenua takoto noa, pēnei i ngā pāmu, i ngā ngahere, tae atu ki te ngahere ka raru, ina piki haere ā tātou mahi ōhanga.
- E takoto ana ngā whenua Māori i ngā rohe o te takutai me ngā wāhi o te tuawhenua, e whakakūititia nei te mahi hou. Hei whakararuraru ā-pūtea, ā-pēhanga pāpori mā ngā hapori Māori, e hiahia nei ki te whakatū whare ngāwari te utu ki a rātou. Hei wero tino nui tēnei mō te tini o ngāi Māori mai i ngā tāone e hokihoki mai nei ki ō rātou whenua. Kei tēnei rohe ngā koirora maha, ko ngā tupu tērā, ko ngā kararehe, manu, ika me te tini o ngā taioa tērā, i ngā whanga nunui, huri noa i te takutai.
- E tika ana kia pai te tia haere i te mahi hōu, me ngā mahi tāpoi hei tiaki, hei whakanikoniko hoki i ēnei taonga.

## Te Āhua o tō Tātou Rohe me ō Tātou Kāinga

- He wāhi te Tara o te Ika a Māui e tino nui ana te utu mō te hoko whare, e kaumātuaatia ana te taupori, ā, ka nui te hiahia o te tangata ki ngā whare hararei. Engari, kei te hiahia tātou ki ētahi ratonga hauora, waka, hākinakina, me ētahi atu ratonga. Me ka whakapikia ake te tokomaha o te hunga noho tūturu i ngā marama katoa o te tau ki te rohe, tērā e tautokona aua rātonga.
- He maha ngā tāone iti me ngā rohe takutai, kei tēnā kei tēnā ōna āhuatanga ahurei, tō rātou mana ā-takiwā; ōna tirohanga ātaahua, ōna takutai one, ōna whanga, tōna mauri ora o ngā mea katoa o roto, tae atu ki ōna kōrero tuku iho. Me āta tia haere ngā mahi hōu, hei tiaki i ēnei āhuatanga, me tēnei mana-ā-takiwā, tae atu ki te wai ora me ngā whanga hauora.

## Ngā Mōreatanga o Te Taiao

- E tika ana kia tika te tia haere i ngā mahi hōu o nāiane, onanahi hoki, hei ārai, hei tino kaupare rānei i te pānga o ēnei mōreatanga.

## Te Ōhanga me nga Rawa Whakahaere - Te Tuku Ratonga ki ō Tātou Hapori

- Ko tō mātou hiahia nui kia whānui kē atu ngā whāinga wāhi ā-ōhanga hei punga mō ngā mahi tāpoi.
- He mea tino nui te utu, he wero anō hoki te tuku wai papai ki ō tātou hapori, te tiaki i ngā rori, i ngā paipa parakaingaki me ngā pūnaha wai āwhā, te hiko me te tūhononga aunui, kia tika.

## Ngā Āwangawanga tērā pea ka Pā ā ngā Rā e Tū mai nei

- E tino mōhio whānuitia ana tērā e pā nui te hurihanga o te huarere ā ngā rā e tū mai nei ki te takanga o te huarere, ngā tiketike o te tai, me ngā mōreatanga o te taiao i te taha, heoi anō, te tikanga kia takatū ngā hapori mō ēnei mea katoa. Ka pā tēnei mea te hurihanga o te huarere ki te mauri ora o tō tātou whenua, ki te whakataetae a te tangata mō ngā rawa taiao, ki te kai, ki te wai me ō tātou wāhi noho.
- He mahi nui te takatū mō tētahi huarere rerekē i te ao whānui, me te mimititanga atu o ngā hinu o te ao, ā, hei taki hōu ēnei mō ngā hapori, kia huri ki te kimi tikanga hou e ora ai rātou i ō rātou rohe ake.
- Ka puta he whāinga wāhi hou i ngā ahunga whakamua i te ao hangarau, ā, he nui anō ngā pānga o ēnei ki te ao pūngao me ngā mahi whakawhiti kōrero - me te mahi a te ao ki te whakahaere i āna mahi.
- He hapori Māori anō ō tātou, he nui ngā hurihanga ā-ahurea, ā-tōrangapū i roto i a rātou, i a rātou e takatū nei mō te whakaotinga o ngā take Tiriti ā ngā rā e tū mai nei.

## Ina titiro ki ōna wehenga katoa, me whakaōrite te tō i tēnā taha, i tēnā taha, i runga i te kōrero e kī rā:

Ki te whakarite te taha tinana, te taha wairua, te taha hinengaro ki te Taiao, ka tino whai mana te mauri

# Ngā Kaupapa Taketake

Tērā ātahi kaupapa taketake i runga rawa i ngā mahi whakaritenga o te Tauira o te Tara o Te Ika a Māui, ā, hei kaupapa matua ānei mō tātou i ā tātou whiriwhiringa. I takea mai i ngā uara o te mauri whenua, o te manaaki, me te tiaki, i te runga i te whai whakaaro. Ko noho ko ēnei rārangi hei kaupapa mō ngā tikanga whakahaere rawa whai whakaaro, ā, i tīpakotia nā te mea kua oti ēnei te tautuhi hei take nui ki te motu katoa i roto i te Ture Whakahaere Rawa, he rite tonu te whakahuahua e te tangata rānei hei uara nui i ngā mahere hapori. He pātata tonu ēnei uara ki te kawa, e ai ki a Hauraki Whānui, ā, hei wāhi ēnei o ngā ture e pā ana ki te mauri, ki te whakapapa, me te piri ki te taiao.

Koinei ētahi o ngā kaupapa e **KORE** mātou e whakaae kia waimehatia, tae atu ki:

## **Te tiaki i ngā kainga kanohi whakamīharo**

Tētahi wāhi o tēnei he tautuhi kei whea rawa ēnei kainga kanohi, he aha te whakamahinga kāore e tika ana mō ēnei kainga kanohi, kia pēhea rawa hoki te tiketike o te mahi tiaki

## **Te tiaki i ngā wāhi ahurea, mātai whaipara kua oti te rēhita**

Te mahi nui kia tiakina ngā āhuatanga tuku iho o tauiwi, o te iwi Māori hoki, kia whakatairangatia, kia whakapikia anō hoki ina taea

## **Te whakanui i ngā tini āhuatanga me te wairua rerekē o ō tātou wāhi noho**

Te tikanga o tēnei me tautuhi tātou me te tiaki i ngā mea e tika ana kia puritia ngā whakaaro mō 'tō tātou wāhi noho' me ngā tini āhuatanga rerekē o ō tātou tāone me ō tātou wāhi noho

## **Kia kaua e whakahekea te pai o te wai**

Me mahi nui kia tiakina te pai o te wai i raro i ngā hurihanga o ngā mahi hōu, o nāianeī, ā ngā rā hoki e tū mahi nei.

## **Te tiaki me te whakapakari i te mauri ora**

Me mahi nui kia tiakina te mauri ora o ngā tupu me ngā koiora māori, i raro i ngā hurihanga o ngā mahi hōu o nāianeī, ā ngā rā e tū mai nei.

## **Kia kauparetia atu te kino o ngā mōreatanga o te taiao**

Kāore e tika kia whakaaetia ngā mahi hōu mehemea ka mōrearea te tangata, nō reira e tika ana kia āta tia haere mātou i ngā mahi hōu i ngā rohe mōreatanga.

# Ngā Moemoeā a Te Hapori

He tini kē ngā kōrero kua tae mai i a koutou, arā, i ngā hapori o te Tara o Te Ika a Māui mō ō koutou wawata mō ō tātou whenua, ō tātou wai me te moana o Tikapa. I arotahi atu mātou ki ngā whāinga i tautuhitia i ngā mahere hapori me te hātepe whakawhitiwhiti kōrero mō ngā tuhinga ā-ture mō te whakahaere rawa, tae atu ki ngā tikanga whakawhitiwhiti kōrero, hei kaupapa mō 'Our Future' me Te Tara o Te Ika a Māui. Ko ngā kaupapa i puta ngātahi mai i ēnei whāinga wāhi ki te whakawhitiwhiti kōrero inā rā.

## ...mō te tangata

- he whakamana i te whānui o te wairua o ō tātou hapori
- kia whakaetia te tūnga o Hauraki Whānui hei kaitiaki

## ...mō te whare

- he whakanui i te wairua o ō tātou hapori me te whakapiki i ngā horopaki ratonga tūmatanui me ngā tirohanga kainga kanohi
- he tiaki i te horopaki o te takutai me te taiao o te rangi me te whenua, kei kitea ngā pānga hē o ngā mahi hōu i te taha nohonoho whenua

## ...mō te ōhanga

- he tiaki i te ōhanga hei tāpiritanga pai mō te wairua matahuhua o Te Tara o Te Ika a Māui

## ...mō ngā rawa whakahaere

- He whakarite kia noho he rawa whakahaere haumarū, tika, tōtika hoki e puta ai he hapori kawē i a ia anō, me tāna kaupare i ngā pānga kikino ki te taiao.

## ...mō ngā taonga ahurea tuku iho

- te whakamōhio me te tiaki i ō tātou rawa ahurea me ō tātou uara maha, me
- te whakamana i te whanaungatanga ahurei o te tangata whenua ki Te Tara o Te Ika a Māui.

## ...mō ngā wāhi ātea me te tākaro

- he mahi nui kia horaina he wāhi ātea kia puritia, kia whakapikia hoki ngā āhuatanga ātaahua o te Tara o Te Ika a Māui, tae atu ki ngā takutai, ki ngā whāinga wāhi ki te tākaro,
- kia tino wātea ai ki te iwi tūmatanui kia tomo mai, tae atu ki ngā moana katoa me te takutai, me te noho tapu tonu o ōna āhuatanga mīharo

## ...mō te tiaki i te mauri ora

he tiaki me te whakapiki i te mauri ora o Te Tara o Te Ika a Māui, tae atu ki:

- ngā rohe o te moana me ngā takutai
- te Wao Tapu, me te Tini a Tāne
- ngā repo
- ngā ngahere i te whenua, me ngā tauranga ika i te wai o ngā awa me te moana, kei reira te mauriora

## ...mō te kainga kanohi me te wairua o te taiao

- he tiaki he whakapakari hoki i te wairua māori ake o te Tara o Te Ika a Māui, me ō tātou kāinga kanohi whakamīharo, ō tātou tohu whenua me te horopaki o te taiao

## ...mō ngā mōreareatanga o te taiao

- he mahi nui kia tiakina ō tātou hapori mā te kaupare i te mōreareatanga māori, me te pānga o aua mōreareatanga ki te tangata me ngā rawa, mā te whakamārō i te tuarā o ngā hapori

## ...mō ngā rawa ā-kikokiko

- me mahi nui kia kua ngā mahi a te tangata e tāpiki ki runga i ngā rawa o te taiao o Te Tara o Te Ika a Māui, tae atu ki: te pai o te wai
- te rahi me te mauri
- te whakamahinga toitū o ngā one me te moana
- te pai o te hau

I noho ko ēnei ariā hei tāhuhu mō ā mātou toronga whakaaro e mōhiotia nei ko

**'Ngā Ao ka Taeā'** kia whiria ai **'Te Ao e Hiahiatia ana mō ngā Rā kei Mua'** mō te Tara a Te Ika a Māui.

# Te Ao e hiahiatia ana – ā koutou whakahoki kōrero mō 'Possible Futures'

He maha tonu ngā huarahi e wātea ana kia whiriwhiria te āhua o tō rātou rohe hei ngā tau e tū mai nei. Me tino whiriwhiri aua huarahi i ngā mea katoa e pā ana ināianei, he aha ngā āhuatanga ka pā ā ngā tau e tū mai nei, tae atu ki ngā āhuatanga nā koutou, nā ā koutou hapori i ki mai, he mea nui. E kore e taea te tohu kia kotahi anō te whiringa tino pai rawa, e hua mai ai ngā āhuatanga katoa e hiahia ana tātou, nā reira ko te inoi ki a koutou kia whakatāhuhutia mai ēnei, mai i te tino ki te noa, kia kitea ai he tohutohu hei whai mō te kōmakatanga o ngā hiahia nei. He wāhi anō tō tēnei, i whakatakotoria e mātou ētahi whakaahua maha ('Possible Futures') mō te whakahaere i ngā mahi hōu me te tupuranga i te Tara o Te Ika a Māui. Nā ā koutou whakahokinga kōrero i tohu ētahi kaupapa matua, inā rā i raro iho nei:

## Te tiaki i ngā kāinga kanohi whakamīharo, ngā wāhi ātea me te mauri ora o ngā mea katoa

Ka taea ēnei uara te tiaki mā te:

- mahi kia tōpūtia, kia whakawhāititia hoki te mahi hōu i ngā wāhi nohonoho whenua o nāianei, me ngā tupuranga i ngā whenua tapu i tohua i roto ngā wāhi noho kua oti te tohu
- he mana kaha tonu hei whakarite tikanga mō ngā mahi hōu i te tuawhenua – i ngā wāhi noho, i ngā kotinga whenua i te takutai, me ngā mahi hōu i waho rawa i ngā pūtahi tāone matua
- he tikanga whakahaere waiumu i āta whakawhāititia, hei tiaki i te mauri ora i aua wāhi, hei whakahaere i ngā pipīnga hamuti, oneone hoki ki roto i ngā awaawa.

## Te tupunga ōhanga me te horahanga o ētahi rawa whakahaere tino mohoa, tōtika hoki.

Ka taea tēnei rā roto i te:

- whakawhāiti i ngā mahi ahumahi me ngā mahi hokohoko ki roto i ngā pūtahi ā-tāone, me kore e whakapikia ngā whakahaere rawa
- hei tautoko i ngā whāinga wāhi ā-ōhanga, e tiakina ai ngā uara o te taiao

Nā ā koutou kōrero i waitohu he pai ake ki a koutou kia rua ngā pūtahi matua, kia whā rānei, tēnā i te tuku kia maha ngā kāinga noho pīrara. I whiriwhiri tahitia ēnei kōrero katoa me ngā kōrero kei a mātou nei, tae atu ki ngā mahere ā-hapori, ā-iwi hoki, ngā tuhinga whakahaere rawa ā-ture, me ngā raraunga rangahau.

I raro i te 'Preferred Future' i tohua hei kaupapa whakawhitiwhiti whakaaro, ko te whakaaro kia whakawhāititia ngā mahi hōu ki ētahi pūtahi tāone e toru, i Whitianga, i Kauaeranga me Whangamatā. Ka hāngai tēnei ki te tino hiahia kaha kia tiakina ngā kainga kanohi, ngā whenua wātea me ngā uara ā-taiao o te Tara o Te Ika a Māui, me te whakawātea i te tupuranga ā-ōhanga, tae atu ki te tuku i ngā mahi whakahaere rawa me ngā ratonga tōtika kia puta. Ka noho tonu ngā mahi hōu ā-ōhanga me te mahi whakatū whare ki ngā pūtahi ā-tāone matua, me te tautoko mō te Tara o Te Ika a Māui kia hoki anō hei tauranga poti, kaupuke ki Tāmaki-makau-rau. Tērā anō hoki ngā mahi hōu āhua whāiti ka kitea i ētahi atu pūtahi, i raro i ngā whakaritenga o ngā rawa whakahaere kua oti te whakamahere ināianei. Ka whiriwhiritia hoki ngā wāhi tino tōtika hei whakatū papakāinga.

Nō te mutunga o ngā mahi whiriwhiri i ngā mohiotanga katoa me ngā whakahokitanga kōrero ā-hapori katoa, ka whakaritea e ngā hoa i roto i Te Tauira tētahi Matakītenga mō Te Tara o Te Ika a Māui hei te tau 2050. E kīia ana tēnei Matakītenga ināianei ko 'Our Future', ā, e whā ōna 'whakapuaki putanga' e whakarāpopototia ai ngā hiahia mō ngā whakahaere i Te Tara o Te Ika a Māui ā ngā rā e tū mai nei.

## Te wairua, te matahuhua me te mana o tēnā wāhi o tēnā wāhi, i ngā wāhi noho i Te Tara o Te Ika a Māui.

Ka taea tēnei te tiaki mā te:

- āta pupuri kia herea te toro me te tupu o ngā tāone me ngā kāinga tuawhenua iti noa, kia noho rawa i roto i ngā whaitua o tēnei wā, kia kua hoki e nui rawa mō ngā rawa whakahaere kua oti te whakamahere mō te rohe
- tiaki me te whakanui i te wairua ahurea ahurei, me te matahuhuatanga ahurea o ngā hapori

## Te hanga hapori haumarū, pakari hoki.

Ka taea tēnei rā roto i te:

- kaupare atu i ngā mahi hōu i ngā wāhi e mōhiotia ana he mōreareatanga i reira
- noho mārama, me te whakaheke i ngā mōreareatanga ki te tangata me ngā rawa, o ngā pānga mōreareatanga o te taiao
- akoako me te whakatikatika i ō tātou hapori mō ngā rerekētanga i te ao whānui, tae atu ki te hurihanga o te huarere
- akiaki i te whakamahinga o ngā rawa, tae atu ki te pūngao, e tiakina ai te mauri ora o ngā mea katoa

# Te Matakītenga me ngā Putanga o Te Tauira

## Ko te 2050 te tau:

Ko Te Tara o te Ika a Māui:

- ka whakanui i āna taonga ā-taiao
- he pūtahi matahuhua, hauora tonu ōna
- he wāhi e ora ai, e mahi ai, e ngahau ai ngā whakatupuranga
- he hapori pakari tonu ōna



## The year is 2050:

The Coromandel Peninsula is a place:

- that embraces its natural taonga – treasures
- that has diverse and vibrant centres
- where generations can live, work and enjoy
- that has resilient communities

Te Tāhūnaroa o Whangapoua – Nā te whakaaetanga a Tourism Coromandel tēnei whakaahua

Kei ia whakapuaki putanga tētahi tōpūtanga whāinga, inā rā i raro iho nei. Mā ngā mahere ariā e homai he whakaaro ā-takiwā mō ngā rautaki e hiahiatia ana hei whakatutuki i ēnei.

## Putanga 1

### **Ka whakanui i āna taonga a-taiao**

Kia tae ki te tau 2050 ka noho Te Tara o Te Ika a Maui hei wāhi: hei hāpai i te horopaki i te hauora me te manahau o te hapori

he maha ngā tirohanga ā-paewhenua, ā-paemoana kua oti te whakarauora

e kawea ai te kaitiakitanga e te katoa

kei reira te kounga o ngā takiwa māhorahora, ka mau tonu te pai o te hau, o te one, o te wai ano hoki

e mau tonu ai, e whakapikia ai hoki te wātea o ngā takiwa māhorahora me te takutai

tiakina ai te mauriora o ngā koiora māori, me o rātou kāinga katoa

### **Embraces its natural taonga – treasures**

In 2050, the Coromandel Peninsula will be a place where:

- the environment is fundamental to the well-being and vitality of the community
- significant landscapes and seascapes are preserved
- kaitiakitanga – guardianship is practised by all
- quality of open spaces, air, soil and water is retained
- access to open spaces and the coast is maintained and enhanced
- native biodiversity and ecology is protected

## Putanga 2

### **He putahi matahuhua, hauora tonu**

Kia tae ki te tau 2050 ka noho Te Tara o Te Ika a Maui hei wāhi: e matahuhua ai ngā whāinga wāhi mo te āhua noho o te tangata e kitea ai ngā whāinga wāhi ōhanga, ā turanga mahi matahuhua e horaina mai ai he wheako ahurei noho mai ai he taupā mārāma tonu mo ngā tāone e tūhono mai ai ngā hapori

### **Diverse and vibrant centres**

In 2050, the Coromandel Peninsula will be a place where:

- there is a range of lifestyle opportunities
- economic and job opportunities are diverse
- unique experiences are provided
- urban settlements have clear boundaries
- communities are connected

## Putanga 3

### **He wāhi e ora ai, e mahi ai, e ngahau ai ngā whakatupuranga**

Kia tae ki te tau 2050 ka noho Te Tara o Te Ika a Maui hei wāhi: e āhei ai te tangata me o rātou whānau ki te noho mai i runga i te ora e tūhonohono ai te tangata ki ona whakapapa e ngāwari ai te utu o te noho e pai ai te tuku ratonga ki ngā hapori e whakanuia ai te ahurea tuku iho me te matahuhuatanga

### **A place where generations can live, work and enjoy**

In 2050, the Coromandel Peninsula will be a place where:

- people can settle and families can thrive
- people can reconnect with their roots
- living is affordable
- communities are well serviced
- cultural heritage and diversity is celebrated

## Putanga 4

### **He hapori pakari tonu oona**

Kia tae ki te tau 2050 ka noho Te Tara o Te Ika a Maui hei waahi: e haumarua ai ngā hapori e kaha ai ngā hapori ki te urutau haere kia tino tika ai te whakahaere rawa

### **Resilient Communities**

In 2050, the Coromandel Peninsula will be a place where:

- communities are safe
- communities can adapt to change
- resources are well managed

## Te Kī:

He pūtahi kāinga noho, he pūtahi ahumahi, he pūtahi hokohoko hoki



Kia mau tonu te wairua ki ngā pūtahi itiiti



He kāinga i te tuawhenua



Kia tiakina te mauri o te moana o Tangaroa



Ngā ara haere matua



He huarahi mātari moana i te takutai



He huarahi tuarua hei haerenga



He huarahi i te moana




He oneone tiketike te pai




Ngā wāhi hei tiaki



Te wātea mai o ngā rohe tiaki i te taiao



# Te Tauira mō Te Tara o Te Ika a Māui



Kāore te mahere i te hāngai ki ngā whatianga tūturu

# Anei ētahi āhuatanga o Te Tara o Te Ika a Māui.


Putanga

## 1 E whakanuia ai āna taonga taiao

Kua kī mai ō tātou hapori he mea nui te tiaki i te taiao, kia tiakina hoki ngā kāinga kanohi me ngā mātainga moana. Tētahi tikanga kia noho te mana kaitiaki ki tēnā ki tēnā o tātou, kia kaha tātou ki te whakahaere i ā tātou rawa kikokiko kia kaua ai e takahia te pai o ngā takiwā māhorahora, te pai o te hau, o te oneone, o te wai anō hoki.

### Hei te tau 2050, anei ētahi o ngā āhuatanga o te Tara o Te Ika a Māui.

- Ko te taiao tētahi pūtake matua mō te oranga me te toiora o te hapori.
- he pai tonu te tiaki i ngā kāinga kanohi i te tuawhenua me te moana
- ko te katoa kei te noho hei kaitiaki
- kei reira te kounga o ngā takiwā māhorahora, ka mau tonu te pai o te hau, o te one, o te wai anō hoki
- e wātea tonu ana ngā takiwā māhorahora me te takutai, ā, kei te whakapikia anō hoki
- ka tiakina te mauri ora me te wāhi noho o ngā mea ora katoa



## Te tikanga o tēnei...

### **Ko te taiao tētahi pūtake matua mō te oranga me te toiora o te hapori.**

- ✓ E hiahia ana tātou ki te whakatūturu i te hauora o te taiao, o te rangi me te whenua, huri noa i a tātou
- ✓ E hiahia ana tātou kia puta he whakamahinga whai hua, toitū hoki o te taiao
- ✓ E hiahia ana tātou kia ngahau te katoa ki te taiao
- ✗ E hiahia ana tātou kia kaua e tūkinotia te taiao
- ✗ E hiahia ana tātou kia kauparea ngā momo mahi haere tonu, tērā pea ka tūkinō i te taiao ā tōna wā.

### **Kia puritia tonutia ngā kāinga kanohi i te tuawhenua me te moana**

- ✓ E hiahia ana tātou kia pai tonu te tiaki i ngā kāinga kanohi i te tuawhenua me te moana
- ✗ E hiahia ana tātou kia kauparea ngā momo mahi e whara ai ngā kāinga kanohi mana nui o te whenua me te moana
- ✗ E hiahia ana tātou kia kauparea ngā pānga auau, e whara ai ngā kāinga kanohi i te tuawhenua me te moana, ā tōna wā.

### **Kaitiakitanga – ko te katoa ka noho hei kaitiaki**

- ✓ Kia mārama te tangata koia tonu tētahi wāhi o te taiao
- ✓ Kia whai wāhi ngā tāngata katoa ki te tiaki i te taiao
- ✓ Kia mōhio ngā tāngata katoa hei wāhi taketake te taiao o tō rātou toiora
- ✗ Kia tūpato tonu te tangata, kei tūkinotia te taiao i runga i te kūware

### **Ka mau tonu te kounga o ngā takiwā māhorahora, te pai o te hau, o te one, o te wai anō hoki**

- ✓ Ko te hiahia kia wātea mai he takiwā māhorahora hei ngahautanga mō tātou
- ✓ E hiahia ana tātou kia noho mai he oneone me etahi hau tino mā tonu
- ✓ E hiahia ana tātou kia tiakina te mauri o te wai i roto i ngā awa, i ngā pūkaki/kōawa me te takutai
- ✗ E hiahia ana tātou kia kaua e pā mai ngā mate nā te parahanga te take
- ✗ E hiahia ana tātou kia kauparea atu ngā mahi hou e whara ai te hau, te wai me te oneone

### **E wātea tonu ana ngā takiwā māhorahora me te takutai, ā, kei te whakapikia anō hoki**

- ✓ E hiahia ana tātou kia wātea tātou ki te haere atu ki ngā takiwā māhorahora me ngā rāhui i te takutai, ki te whakangahau
- ✗ E hiahia ana tātou kia kaua e tukua whānuitia te tangata kia haere ki ngā wāhi e tika ana kia tino tiakina

### **Te mauri ora me te wāhi noho o ngā mea ora**

- ✓ E hiahia ana tātou kia tino tiakina ngā wāhi noho me ngā momo koirora māori
- ✗ E hiahia ana tātou kia kauparea ngā momo mahi e whara ai ngā wāhi noho māori o te taiao


# Anei ētahi āhuatanga o Te Tara o Te Ika a Māui.

## Putanga 2 He pūtahi matahuhua, pakari ōna

Ko tētahi kōrero ia nā ā tātou hapori, kei te hiahia rātou kia tiakina te wairua o ngā hapori matahuhua, me te wātea mai i tēnei wā o ngā momo noho me ngā huarahi maha i raro i tēnei āhuatanga. Nā konei i huri ai ki te whakaarotahi ki ētahi pūtahi ā-tāone matua e toru, me te whakawhāiti i te tupuranga o ngā putahi iti iho, me kore e puritia mai ētahi hapori pakari tonu i runga i tō rātou kaha, kia mau ai te wairua me te mana ā-takiwā o taua wāhi.

### Hei te tau 2050, anei ētahi o ngā āhuatanga o te Tara o Te Ika a Māui.

- tērā te whānuitanga o ngā momo noho he matahuhua ngā whāinga wāhi ā-ōhanga, ā-mahi hoki
- he mārama tonu ngā whaitua o ngā tāone
- he wheako ahurei tonu mā te katoa
- kua oti ngā hapori te tūhonohono



## Te tikanga o tēnei...

### **Tērā te whānuitianga o ngā momo noho**

- ✓ E hiahia ana tātou kia toru rawa ngā pūtahi matua hei tuku ratonga ki te rohe
- ✓ E hiahia ana tātou kia tautokona te wairua motuhake, me te matahuhua o ngā āhuatanga o tēnā kāinga, o tēnā kāinga
- ✗ E hiahia ana tātou kia kauparea atu te whakaaro 'kia kotahi anō te kawa mō te katoa'

### **He matahuhua ngā whāinga wāhi ā-ōhanga, ā-mahi hoki**

- ✓ E hiahia ana tātou ki te whakanui i te matahuhuatanga o ngā whāinga wāhi ā-ōhanga e hāngai ana ki te matakitenga mō te Tara o Te Ika a Māui.
- ✗ E hiahia ana tātou kia kauparea atu te wehe atu o te tangata me ngā pakihi i te rohe ki te kimi whāinga wāhi mō rātou

### **He wheako ahurei tonu mā te katoa**

- ✓ E hiahia ana tātou kia tiakina kia whakanuia hoki te wairua ahurei o Te Tara o Te Ika a Māui
- ✓ E hiahia ana tātou ki te hora whāinga wāhi hei whakamaioha i te taiao
- ✗ E hiahia ana tātou kia kaua e ngaro te wairua rerekē o tēnā kāinga, o tēnā kāinga

### **He mārama tonu ngā whaitua o ngā tāone**

- ✓ E hiahia ana tātou kia mārama tonu te tautuhi i ngā whaitua o ngā tāone me te tuawhenua
- ✓ E hiahia ana tātou kia noho tōpū mai ngā rawa whakahaere
- ✗ E hiahia ana tātou kia kauparea atu te toro matapōkere noa o te tāone

### **Kua oti ngā hāpori te tūhonohono**

- ✓ E hiahia ana tātou kia noho he huarahi ikiiki tōtika, he huarahi ikiiki haumaruru tonu ki roto, ki waho hoki o te rohe
- ✓ E hiahia ana tātou kia noho mai he tūhonotanga e pai ai te mahi tahi me te honohono ki ētahi hāpori
- ✓ E hiahia ana tātou ki ētahi hāpori tōtika, ki ētahi hāpori haumaruru hoki i waenga i ngā pūtahi o ngā tāone.
- ✓ E hiahia ana tātou ki ngā pūngao hiko, ki ngā hononga reo irirangi me ngā hangarau whakawhiti kōrero tōtika
- ✗ E hiahia ana tātou kia kauparea atu ngā ngohe katoa e whakakūiti ana i ngā huarahi matua
- ✗ E hiahia ana tātou kia kaua e wehea atu tēnei mea te tāone i muri i ngā karawhiunga mōreatanga ahakoa huarere, ahakoa taiao
- ✗ E hiahia ana tātou kia kauparea atu ngā mahi hōu e whara ai tō tātou wairua ahurei me tō tātou mana ā-takiwā


# Te Āhua o Te Tara o Te Ika a Māui.

## Putanga 3 E ora ai, e mahi ai, e ngahau ai ngā whakatupuranga

Kua kī mai ō tātou hapori kei te hiahia rātou kia nui ngā ratonga mō rātou, kia whānui tonu ngā huarahi mō te noho, e puta ai he oranga ki ngā whānau, e whakamanawatia ai te rangatahi kia noho tonu, kia toitū ai tō rātou noho ki Te Tara o Te Ika a Māui. Kia noho mai he whāinga wāhi ki te tangata kia noho, kia mahi i konei, kia ngahau hoki te hunga noho i konei, me ā rātou manuhiri ki ngā painga o te rohe.

### Hei te tau 2050, anei ētahi o ngā āhuatanga o te Tara o Te Ika a Māui.

- ka āhei te tangata me te whānau ki te noho i runga i te pai, kia toiora tonu
- ka āhei te tangata te tūhono ki ōna paiaka anō
- he ngāwari te utu mō te noho
- he pai ngā ratonga mā ngā hapori
- e whakanuia ana ngā taonga tuku iho me te matatini o te tangata



## Te tikanga o tēnei...

### **Ka āhei te tangata me te whānau ki te nohonoho kia toiora tonu**

- ✓ E hiahia ana tātou kia manahau, kia korikori tonu ō tātou tāone
- ✓ E hiahia ana tātou kia noho he whāinga wāhi ki te hunga ka noho ki Te Tara o Te Ika a Māui kia ngahau te noho
- ✓ E hiahia ana tātou kia neke kē atu i te kāinga hararei noa iho
- ✗ E hiahia ana tātou kia mutu te heke iho o te tokomaha o te hunga noho tūturu i te rohe

### **Kia āhei te tangata te tūhono ki ōna paiaka anō**

- ✓ E hiahia ana tātou kia hoki mai te rangatahi ki konei noho ai, mahi ai
- ✓ E hiahia ana tātou kia piri ngā iwi o Hauraki Whānui ki ō rātou tūrangawaewae
- ✗ E hiahia ana tātou kia kauparea atu te wehe atu o te tangata i te rohe

### **He ngāwari te utu mō te noho**

- ✓ E hiahia ana tātou kia āhei te tangata ki te noho tūturu i konei
- ✗ E hiahia ana tātou kia kua e piki te utu o te whare i konei ki ngā rangi tūhāhā, kei kore e taea e te tangata whenua

### **He pai ngā ratonga mā ngā hapori**

- ✓ E hiahia ana tātou ki te hora i te matahuhuatanga o ngā ratonga ā-hapori i roto i ngā pūtahi ā-tāone matua
- ✓ E hiahia ana tātou kia puritia mai ētahi āteatanga ā-hapori i ngā tāone iti iho
- ✓ E hiahia ana tātou kia kaha ngā kāinga ki te tiaki i a rātou anō, i runga i tō rātou kaha motuhake
- ✗ E hiahia ana tātou kia kauparea atu te tuaruatanga o ngā ratonga

### **E whakanuia ai ngā taonga tuku iho me te matatini o te tangata**

- ✓ E hiahia ana tātou ki te tiaki i ā tātou taonga tuku iho
- ✓ E hiahia ana tātou ki te tohatoha i ngā taonga matatini, ā-ahurea, ā-kōrero tuku iho, ki te tangata kē
- ✓ E hiahia ana tātou ki te mihi ki tō tātou tūrangawaewae
- ✗ E hiahia ana tātou kia kua e ngaro ō tātou wāhi tapu/wāhi ahurei
- ✗ E hiahia ana tātou kia kua e whara ngā wāhi tapu/wāhi ahurei o Te Tara o Te Ika a Māui


# Anei ētahi āhuatanga o Te Tara o Te Ika a Māui.

## Putanga 4 He hapori pakari

I kī mai ā tātou hapori he mea nui te hanga hapori pakari tonu. Te tikanga o tēnei kia whakapau kaha, e pai ai te mahi o ō tatou hapori i ngā wā o te hē, kāpā hoki i ngā wā o te pai anake, kia tika tonu te tū ahakoa pēhea te hūkerikeri mai o te hau. Ko tētahi wāhi o tēnei he pēhi atu i ngā mōreatanga ka ara ake i ngā pānga mōreatanga o te taiao, me te hurihanga o te huarere, e haere tonu ai ō tātou ōhanga, me te noho tonu mai o ngā rawa whakahaere taketake kia toitū tonu.

### Hei te tau 2050, anei ētahi o ngā āhuatanga o te Tara o Te Ika a Māui.

- kei te haumarua ngā hapori
- kei te mōhio ngā hapori me urutau i roto i ngā rerekētanga
- he pai ngā whakahaere rawa



## Te tikanga o tēnei...

### Kei te haumarū ngā hapori

- ✓ E hiahia ana tātou kia haumarū tonu ngā mahi hou i ngā mōreatanga o te taiao
- ✓ E hiahia ana tātou ki te tia haere me te whakarite tikanga mō ngā mahi hou i ngā wāhi e mōhiotia ana he mōreatanga kei reira
- ✗ E hiahia ana tātou kia kua e tukua ngā mahi hōu kia whai i ngā huarahi hē, kei reira ngā tūpāpaku o tēnei mea te tikanga hē
- ✗ E hiahia ana tātou kia kauparea atu te whara, te mate rawa hoki o te tangata i ngā mōreatanga o te taiao

### Kei te mōhio ngā hapori me urutau i roto i ngā rerekētanga

- ✓ E hiahia ana tātou kia huri mai te tangata ki te whakamōhio i a tātou mō ngā pānga wā roa o te hurihanga o te huarere
- ✓ E hiahia ana tātou kia takatū tātou mō ngā hurihanga puta noa i te ao
- ✗ E hiahia ana tātou kia takatū wawe

### He pai ngā whakahaere rawa

- ✓ E hiahia ana tātou kia tōtika kē atu te whakamahi i ngā rawa o te takiwā
- ✓ E hiahia ana tātou ki ētahi hapori he tūtika te tū i roto i te taiao
- ✗ E hiahia ana tātou kia kauparetia te tupu o ngā hapori, kia kore ai e nui rawa mō ngā rawa hei whāngai, hei manaaki i a rātou
- ✗ E hiahia ana tātou kia kauparea ngā momo mahi e whara ai ngā kāinga kanohi mana nui o te whenua me te moana



# Me pēhea tātou e tae atu ai ki reira.

E rua rawa ngā taumata motuhake e whakatinanatia ai te Tauira. Ko te tuatahi he taumata ā-rohe whānui me ōna rautaki i huaina hei āwhina i a tātou ki te whakatinana i ngā putanga wā roa e whā. Kia whakatinanatia te Tauira mō Te Tara o te Ika a Māui, ka kitea he rerekētanga i te Mahere ā-Rohe, i te Whakapuaki Kaupapa Here ā-Rohe, i te Rautaki Whakahaere i te Taiao me ngā Mahere Whakahaere a ngā lwi.

Ko te taputapu tuarua i raro iho ko ngā mahere Local Area Blueprint (LAB). Kei ēnei mahere ētahi atu taipitopito me te ahunga hei whai ki te whakarite tikanga mō te tupuranga me ngā mahi hōu, kei te taumata ā-takiwā (ā-rohe whāngai wai, ā-kāinga noho, ā-pūau) kia hāngai ki ngā putanga o te Taumata.

Ka kitea ētahi atu mōhiotia i te Pukapuka Tuatahi me te Pukapuka Tuarua o te tauira mō Te Tara o Te Ika a Māui.

Kei te Pukapuka Tuatahi ka kitea ētahi kōrero hōhonu tonu i āwhinatia ai te huanga o te Tauira o Te Tara o Te Ika a Māui, me te huinga rautaki mō ia whakapuaki putanga. I raro i ēnei rautaki, ka āwhinatia tātou kia eke te Tara o Te Ika a Māui i runga anō i ō tātou hiahia.

Kei te pukapuka Tuarua o te Tauira o te Tara o Te Ika a Māui ētahi atu kōrero mō te whakatinanatanga o ngā rautaki mā roto i ngā mahi takitahi ka kawea e ngā hoa i roto i ngā mahi.

Tērā hoki tētahi tōpūtanga pukapuka tautoko kei reira nei ngā mōhiotia hangarau motuhake hei tautoko, ētahi mahere hōhonu tonu me ngā whakahokinga kōrero mai i te hapori, ā, ko ēnei katoa ka wātea hei tirohanga mā te tangata kei ngā tari o Environment Waikato me te Kaunihera ā-Rohe o Thames-Coromandel, me te pae tukutuku o te Tauira ki [www.coroblueprint.govt.nz](http://www.coroblueprint.govt.nz).

## Te āta arotake – He aratohu mō te aroturuki me te arotake

Tērā pea nā te aronga ki ngā tau roroa o Te Tauira o Te Tara o Te Ika a Māui, ka tukia e ngā tai, ka pūhia e te hau i roto i te takanga o te wā. Nā runga i te tino hiahia kia āhei tātou ki te kawē kē i te ihu o te waka i roto i ēnei hurihanga, mehemea he take e huri ai, e tika ana kia hangaia he aratohu hei aroturuki hei arotake hoki i roto i tētahi anga whakahoki kōrero nahanaha nei. Mā te aroturuki i te whakatinana o te Tauira me ōna huanga e mōhio ai tātou he aha ngā mea kua taea e tātou, ka mōhio hoki tātou e hōu tonu ana, e tau tonu ana mō tōna mahi. Tētahi atu, ko te hiahia kia hāpaitia tonutia te mana o te Tauira, kia rewa tonu ki runga, kia ū hoki tātou ki ōna uara, ki tōna matakitenga. Ko tētahi mahi hei ārahi i ō tātou arotakenga, he whakatinana i tētahi anga aroturuki, i runga i tētahi huinga tohu, hei ine i ngā putanga e hiahia ana. Ka riro mā ēnei tirohanga hei pūtake kōrero mō ngā hurihanga kaupapa haere, hei tautuhi i ngā mahinga hou e tika ana kia mahia, hei āwhina i a tātou ki te whakatutuki i ngā whāinga o Te Tauira.

# Mō ētahi atu kōrero...

Go to [www.coroblueprint.govt.nz](http://www.coroblueprint.govt.nz)  
phone **07 868 0200** or email [blueprint@tcdc.govt.nz](mailto:blueprint@tcdc.govt.nz)

[www.coroblueprint.govt.nz](http://www.coroblueprint.govt.nz)

Lonely Bay – Nā te whakaaetanga a Tourism Coromandel tēnei

